



## Future-proofing our children

Sikolo sa la Sunda: Sitopa sa Pili

Toho ya Tuto Pizo ni sepiso ya Abrame: Abrame ni Lota

# Buka ya Bashemi

Sikolo sa la Sunda sa mwa Malana



# Balatiwa Bashemi

Mwa amuhelwa kwa tuto yeli “Pizo ni sepiso ya Abrame: Abrame ni Lota” ya Sikolo sa la Sunda ya Sitopa sa Pili. Pampili ye I mi fa liseli-nyana ka mo mu kona ku lutela tuto ye.

**Mukwa mo mu kona ku itukiseza ni kufa tuto ye ka ona**

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> <li>• Bibebe</li> <li>• Mapampili a lukisizwe kale a tuto ye.</li> <li>• Buka mwa sebeleza mwanana, lipotoloto ni lipendiso za banana, ni zeñwi cwalo.</li> <li>• Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala)</li> <li>• Katekisema ni buka ya lipuzo ni likalabo (Kwa banana ba bali mwa litopa za Tiisezo)</li> </ul> <p><b>Mamela:</b></p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto za Bibebe ni Tiisezo)</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



# Mufe tuto ya Sikolo sa la Sunda sa mwa Malapa

## Mukwa mo ku swanehela ku itukiseza ni kufa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Kezo
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <b><i>Ka mutala:</i></b> Mu ine fa lishasha/ fa museme kapa fa lipula ku potoha tafule
5.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <b><i>Ka mutala:</i></b> Mu ine fa lishasha/ fa museme kapa fa lipula ku potoha tafule
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunnda.
11.	Mu lapele kapa mu kupe mwanana kuli a lapele kaku kwala tuto.

## Lisebeliso ze fumaneha ku amana ni Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi kuama tuto ye.

Muongaongi ni muluti wa Sikolo sa la Sunda mwa kopano ya mina ba itukiselize ku mi



# Tuto

<b>Toho ya Tuto</b>	Pizo ni sepeso ya Abrame : Abrame ni Lota
<b>Timana</b>	Genese: 12: 1-9; Genese 13: 1-18
<b>Mutomo/butokwa bwa Tuto</b>	Banana ba ituta kuli Mulena wa lu etelela ni ku lu zamaisa mwa linzila za hae ni kuli u taleleza lisepeso za hae.

## Kusufazo ya Tuto:

- Mwa tuto ya kacenu, lu ka utwa kaza Abrame ni Lota.
- Abrame ni Lota, batanga ba hae, ni batanga ba hae ba basali, ni limunanu za hae ne bali mwa lieto la kuya kwa naha ya kwa hule. Ne bana ni limunanu zenata ili lingu, lipuli mi limbonholo za bona ne li lweizi milwalo ye bukiti.
- Ba zamaya mwa linaha ze ñata ze tata. Nako ni nako ne ba yema fone kuna ni mezi ili kuli limunanu za bona li new mezi.
- Ba yaha litende za ku lobala, mi balisana ba bamwi nenze ba talima litenede mitapi ya bona. Mulimu na nza ba babalela mi ne beile sepo ya bina ku yena.
- Abrame na si ka eza musipili wo ka bu yena kamba ka kulata. Mu limu na bulezi ku yena.
- Mulimu a bulelela Abrame ku siya naha ya habo, ku siya lubasi lwa hae, ni ndu ya bondatahe ni ku ya kwa naha yeo Mulimu a ka mu supeza. Mulimu ali “u ta atisa lusika lwa hae, mi lu ta ba sicaba se situna. Mi u ta mu tohonolofaza, Abrame na sepa Mulimu ka ku tala.
- Kasamulaho wa ku zamaya mazazi a mañata, ba yo fita fa nuka yene ba swanela ku sila. Hase ba silile nuka yeo, ba ipumana mwa naha isili. Naha ye, ne ina ni linuka ni milapo ye miñata mane cwalo ni mafulisezo a mande a limunanu za bona. Abrame a laela kuli ku tomiwe/yahiwe litende.
- Muñ'a Bupilo a iponahaza ku Abrame, mi amu bulelela kuli, ye ki yona naha ya na sepesize ku fa ku yena ni lusika lwa hae.
- Abrame na sa zibi kuli lusiika lwa hae lu ka zwa kai kakuli yena ni musla hae Sarai ne ba sina bana mi Abrame na sa na ni lilimo ze mashumi a supile ka ze ketalizoho.
- Taba yemwi ne i bilaeza Abrame. Ne kuna ni batu bene ba pila kale mwa naha yeo, mi yena ni bana zamaya ni bona ne li mazwahule mwa naha yeo, kono Abrame na sepa ni lu lumela kuli Mulena uka taleleza lisepeso za na ezize/file ku yena.
- Tumelo ye tiile, ne ilumelela Abrame ku taba, ku ba ni kozo mane cwalo ni ku ikutwa ku ba hande.



- Abrame na utwa kuli silelezo/pukelezo ya Mulimu ne inzi ni yena nako kaufela, kono kozo ne isiyo mwa linako zemwi.
- Balisana ba Abrame ni ba Lota ne ba omana ka nako ni nako mwahala bona fahalimu a taba ya mafulisezo, ni kuli ki ifu mutapi ono ka ka kala ku nwa mezi.
- Abrame a ba ni muleo wa kuli ne kuna ni mukwa ulimuñwi feela ku fitisa komano kwa mafelelezo. Na sa lati likomano kakuli neli munna wa kozo
- Ki ka libaka leo ha na tisize mulelo kuli yena ni Lota ne ba sa koni ku pila mwa sibaka si lisimwi. Ni kuli se sinde kikuli ba kauhane maino ni kuli yomuñwi ni yomuñwi a iketele sibaka sa maino.
- Abrame ni lota ba ya kwa malundu ko ne ba kona ku bona hande naha/sibaka kaufela. Abrame a bulele Lota kuli a iketelele sibaka sana lata kaufela mwa naha mo. Haiba Lota inge a keta kamba ku ya ka fa, yena, na ka ya kwale.
- Kwa neku la kwa Upa, ne kuna ni nuka ya Jordani yene potolohilwe ki mafulisezo a mande a matala. Kwa mbowela ne kuna ni mubu o nunile, kono mwa libaka zemwi ne ku omile luli. Abrame a fa Lota sibaka sa ku keta pili.
- Lota kiha sa iketela libala kaufela la kwa Upa, ili kwa nuka ya Jordani, kwa lineku koo, ne kuna ni mafulisezo a mande.
- Kacwalo, Abrame a liba kwa naha ya kwa lineku lelimwi. U tabile. Mulimu u boni lika kaufela.
- Mulimu a bulelela Abrame kuli asike a ikutwa bumaswe, a bulelela Abrame, ku talima katokomelo ku zwa hona fa nayemi foo, mane ni mwa maneku kaufela. Naha kaufela ya na bona Abrame, Mulena a sepisa kumu fa yona, yena ni lusika/baikulu ba hae.
- A bulelela Abrame kuli lusika lwa hae lu kaba lo lu ñata sina liluli la lifasi, kamba sina mushabati wa liwate.
- Abrame ki ha sa amuhela mubu ono sina hande mununo, kono Mulena a kutela buitamo bwa hae ku Abrame mi se sa mu tabisa.

## Tuto ye italusa sikamañi ku luna kacenu?

- Mwa linako zemwi, Mulimu u lu kupa ku eza lika ze tata luli. U bata kuli lu musepe. U ka lufa maata ni ku lu fuyola mwa musipili wa luna.
- Mulimu u lufa lisepiso ze ñata mwa linzwi la hae. Lu swanale ku sepa kuli u ka taleleza lisepiso zeo mwa bupilo bwa luna.
- Yemwi ya lisepiso zeo ki kuli Jesu u ka kuta ku to lunga.

**Lu lukela ku itukisa ka za ku kuta kwa Jesu, mi ku eza cwalo, lu tokwa tumelo ye tiile, ku sepa mane cwalo ni ku latelela/kuteka Mulimu.**



## Zeñwi za lipuzo zeo lu kona ku buza

- 1. Libaka ki lifi Abrame hana bile ni mulelo wa ku siya naha mwa na pila teni?**  
**Kalabo:** Mulimu na mu bulelezi kuli ange lika za hae kaufela, atute mi a ye mwa naha ya na ta mu supeza.
- 2. Kiñi Abrame ha na bile ni mulelo wa kualula maino/naha mwa liemba ze peli?**  
**Kalabo:** Ki ona feela mukwa wana kona ku buluka kozo kakuli, balisana ba Abrame ni ba Lota ne ba omana ka nako ni nako mwahala bona.
- 3. Ki sika mañi seo Mulena na sepisize Abrame hasa felize ku iketela kalulo/siemba sa naha?**  
**Kalabo:** Naha kaufela ya na bona Abrame, Mulena a sepisa kumu fa yona, yena ni lusika/baikulu ba hae, bene ba kaba ba bañata sina mushabati wa liwate.
- 4. Ki sika mañi se lu sepisizwe?**  
**Kalabo:** Kuli Jesu u ka kuta ku to lunga.

## Tapelo ya Bondate ni Boma ye fiwa pili tuto i si ka tateka:

*Mulimu ya lateha. Lwa itumela kwa lizazi la kacenu*

*Fuyola bashemi ni banana ba luna*

*Tusa kuli lu kone ku lemuha ku bateñi kwa Hao*

*Fuyola tuto ye lu k'a ba ni yona*

*Lwa kupa, ulu lute mo lu swanela ku ku sebeleza*

*Mi u lu tuse ku eza tato ya Hao*

*Kuli lu hule mwa kuba bukaufi ni Wena*

*Luma Jesu a to lunga*

*Mi u lu tuse ku ba ba ba itukiselize ku mu katanyeza*

*Amen*